

沈乃文 主編

明別集叢刊 第一輯

第三十七冊

黃山書社




沈乃文 主編

明別集叢刊 第一輯

第三十七冊

黃山書社



(明) 柯 暹 撰

東岡集十卷

明柯株林等刻本

東岡集序

太學生池陽柯薰以東岡集謁余蓋其父憲使公詩文也公名暹字啓暉少師楊文貞公士奇嘗更字以用晦少領鄉薦呂入翰林與脩國典尋授給事中被害遇于

太宗文皇帝奉天華蓋謹身殿災時應詔言闕政上裨益

東岡集序

前

聖德次拍斥權貴臣下歷陳民瘼言言切直以是忤授州太守出宰永新吉水兩邑有政聲乃復起持憲于浙江雲南年猶未老致其事以歸其進退終始之際若此平生詩文甚多其尤在人耳目者言闕政章也今不在集中豈公自削其稿不欲賣直取名乎其來永新時出所作鉅編與子先君相講評予猶未

得從旁觀聽有文房楮筆硯墨四友記辭義宏義若將攀昌黎毛穎而相與應和予時方習虞字以公此文書諸烏絲素牋公取以去其後再見公于京邸語及之公慨然曰子曩所書者吾官滿吉水歸過彭蠡童子失手墜波間惟吾手稿在然此外他作或出少壯時不甚滿吾意亦不欲多存之公之言若此故

東岡集序

二


今薰所示予特其千百之一二也有予先君像贊與予家藏者微有同異而予家藏者公墨蹟也詞翰兼妙信可寶焉予邑有隱君子段元中能詩公時與之言詩謂段舫軒謂予先君石潭皆舉其跡未嘗以名位自貴而忘下士蓋公之襟度予所素知往往類是則其政事文章之過人從可推而見矣東岡公所隱

居有龍池芝亭之勝與九華山屏峙畫
列迢遞睽屬自大江秋浦之濱拾舟而
入其文與詩奇崛出人意表漱滌萬類
清瑩無滓觀於山川知其毓秀所從而
宜其派出筆端之相髣髴也矣公為人
鶴癯松古飲酒濡唇輒止食啖不過圭
撮今年七十有四猶能讀書云
天順六年壬午重九前

東岡集序

前

賜進士及第翰林院學士奉政大夫
國志副總裁永新劉定之序



東岡文集序

在昔

太宗文皇帝時茂選天下英儒聚於
館閣纂脩

永樂大典以備一代之制親承

車駕臨幸誨以文必韓歐字必鍾王
蓋取古人以期待之也是以當時簪
筆紀述之臣咸爭相淬礪精脩職業

東岡集序

衣冠文物彬彬洋洋可謂盛矣若憲
使柯公其一也公字用晦池郡人年
十六已掇巍科知名當世及遭遴選
入詞林地位既高又有元老大臣如
石首楊公永嘉黃公錢唐蔣公諸先
輩為之師友以上下其議論此其學
問之功與詞翰筆力所以愈進於高
遠也暨以言事出守永吉二州繼領

明揚陞使浙臬改調滇臺所至輒輦
經史子籍以隨暇則考求誦習矻矻
如書生及意得神會即具筆墨或書
古訓或作為詩文以掄揚
國家之盛美或因事製言以發宣已
志蓋不忘

先帝之殊遇思欲追踪古作未肯遽
以古人自遜者也語曰仕而優則學

東岡集序

商訓曰學于古訓乃有獲其公之謂
歟晚而致政家居彙其先後所著之
文併為一帙目曰東岡集一日巡按
繡衣劉公泰太平太守俞公端得其
本讀而悅之將刻梓以傳走書徵為
序予忝交于公知公之抱負有素蓋
公之為學有源發其文思深沈而幽
永為政有紀故其文理微密而優長

為人好持論古今事變人品高下得
失優劣故其文氣俊偉光華如星緯
雜陳光芒而不可掩真學海之蜚英
而藩臬之豪傑也少保黃公剡古靈
之橐乃以立心正大優於設施為辭
若以政評則可兼以學言則未足以
盡公之所長也考於今所著述可見
已雖然昔人之名集者往往有取於

東岡集序

地望東岡池郡之望也其東則朝陽
之所麗也然則他之日使人瞻望而
有蔚然之色讀之而有鏘然之音致
景仰啓敬於無窮者其茲集之所存
也歟時

天順三年歲在己卯秋七月中吉
賜進士朝議大夫南京國子祭酒前
翰林侍講同修

國史兼

經筵官安成吳節與儉序



東岡集序

四

東岡集目錄

第一卷

記

宋丞相信國文公祠堂記

後隆堂記

積慶堂記

仁濟堂記

燕岡義倉記

湖心草堂記

百鱗圖記

懷德堂記

寸草記

樹德堂記

終慕堂記

建德重新儒學記

四友軒記

第二卷

記

風木記

蘭溪義倉記

雲南都司題名記

承恩樓記

重書樓記

畫記

慈壽堂記

序

送何廷儀還鄉詩序

送韓二守序

贈潘處誠序

師友集序

送吾先生序

東岡集目錄

毫溪書舍卷序

贈龔訓術玉峯書舍圖詩序

送王僉憲序

第三卷

序

贈廬陵張大尹序

贈尚寶卿朱公序

贈文選尹主事序

贈李太守致仕序

送楊太守復任序

友雲詩集序

贈章司訓序

登太平山詩序

文江贈別詩序

贈檀伯和榮陞序

送鄭貢士序

贈徐聞道詩序

雙桂堂詩序

第四卷

序

華容縣誌書序

永新修學紀序

贈吳大尹考績序

贈劉知州序

送僉憲陳公考滿詩序

贈陳南金序

滇南別意序

正淳安何氏族譜序

贈書庵劉先生序

壽徐東常七十序

傳

黃季岳傳

第五卷

詩

四言古詩

五言古詩

七言古詩

哀詞

五言律詩

第六卷

詩

七言律詩

七言排律

五言絕句

五言六句

六言絕句

七言絕句

第七卷

墓誌

書菴劉先生墓誌銘

鄭左參政墓誌銘

故教諭陸先生墓誌銘

故處士李原達墓誌銘

故孟孺人余氏墓誌銘

墓表

柯用章墓表

宏岡阡表

第八卷

祭文

祭黃村船文

祭周孟簡先生文

祭熊太夫人郭氏文

祭周侍郎父秉昂長史文

祭總督軍務兵部侯尚書文

祭黔國公文

說

王氏四子字說

訥齋說

姜氏四子字說

尚質字說

弘則字說

守約字說

歲

自警歲

觀頤歲

贊

程楚國文憲公雪樓先生像贊

周秉昂小像贊

周侍郎小像贊

石潭先生像贊

章侍郎尚文待漏像贊

第九卷

書

與京師諸友書

與用章宗兄書

復朱廷暉書

與徐景探書

奉東里先生書

奉黃少保書

奉吳少保書

奉曹尚書書

與何清紀書

第十卷

題跋

書瑞蓮卷

書成國公命書首

書泥田周氏世直堂

書黃志遠疏藁後

書聽鶴軒卷

書峽江廟碑卷

題溫慶士墓表

書程御史巡按江右詩卷後

書鄒公忠烈卷後

跋解先生草書

書鄂渚事集

書奉訓堂卷

跋東坡墨跡卷

書節孝卷

書翰墨林卷

跋舊書帖

書雲翰卷

東岡集目錄終

東岡集卷之一

記

宋丞相信國文公祠堂記

宋有天下三百年海內臣妾無險釁一旦胡風偏摧江南失守高城深池間雖有堅甲利兵曾劭草之不若獨丞相信國文公未受王命毅然浩氣充塞天地使伯顏之餌不能釣一古世祖之謀不能屈一膝幽囚白刃不能移一心是蓋有日月之明風霆之厲者存乎其見耳方瀛國未封墜石塞敵使南冠不執安知吳越不可復中原不可圖然而

不能皆天也或又以為既執之後張弘範說而誘之至再也世祖欲公附之切也附而用之宜不下於宋也使能隱忍許臣於庭見之時又安知無可圖者顧其思不出此嗚呼是豈足以知公者哉當庭見之時一身之外皆元有矣此膝未屈為吾敵國一屈之後臣節凜然縱有可圖吾心已二萬一有成猶不能免無成則是漢李陵之謀誰復可信此公所以吟嘯從容就死而靡他也邇來永新聞固塘文氏六義堂并詩乃公為其族人正道所為而題也因造其堂拜公遺像誦公之詩過錢市又

瞻公像于文氏祠中宣德丙午江西提刑按察司僉事接蒼王公繼行過謁祠下命暹易文氏祠為丞相祠或曰文氏譜自五代時奉元始至十世彥純生二子長曰卿次小山卿曾孫華齋生丞相為鳳崗派小山之後為固塘派族遠而義疏遲曰不然文正范公親疏之論至矣以公之孤忠大節傳播宇宙間如日星之明不容掩矣為宋而歿在宋當祀宋亡無祀之者雖敵國表勵忠節亦當祀况守公之故土而愛君之心同然者乎世無子孫雖鄉人尚義亦當祀况敦睦之族景先德者乎今其祠在京都郡庠者創于元已祀之矣遲在金臺時見一僧號全拙以戒行自高尚知慕公風節往拜于祠又聞一指揮者見祠宇傾圯尚能慨然新之求其姓名未得豈有鄉邦不如敵國吾儒不如武弁同族不如方外者哉祠因舊更其榜曰宋丞相信國文公之祠為之歌曰

王闢洞開 朔騎南來 孤忠矢志
乾旋坤迴 匪人自天 我皇弗庇
巡剏遠貞 孔仁孟義 盥盥鳳崗
摧彼雕梁 固塘錢市 六義孔彰

駕維親親 匪杞何杞 子姓繩繩

億千萬世

後隆堂記

余嘗見前輩論蘇子瞻三槐堂記述古天定能勝人語為是人衆勝天語為非或疑之乃曰于公豎門駟馬之車未有也責報於天後卒有之王氏植槐三公之爵未有也責報於天後卒有之人之窮達果由乎人則人自為之將無所不至果由乎天也乃能取必於杳冥未兆之先蓋有似乎勝天也余曰不然天即理也順理以俟天曰順天非勝天

東園集卷之一

部三

續

也違其理有以勝之者乃可謂之勝天福善禍淫天之理也順天之理而求必得於己無弗得者以二家之陰德若此天必報之以福借使其門不高槐不植則所報者猶在也苟不以德徒高其門植其槐以要之可得乎此天之可以理必而不可以人勝也世有挾私智以徼天不得乃曰天無公何不明之甚也世無二家之陰德則已苟有之無患乎天道之不公觀於劉氏為益信劉之先有字景弘者昌厥族始五季時楊行密以淮南兵下江西牙將彭玕據吉州玕以兵授景弘使脅衆附湖南

馬氏行密欲悉兵屠城景弘即歸行密不受行密官嘗語人曰我不從彭玕所活萬人後世必有隆者因名其所居北山曰後隆山復有以名其堂者不三世而杭果相華及後先累疊不替其能順理俟天與二家異世而同符也誠齋楊先生南軒張先生嘗題詩其間照耀千古兵燹以來名存堂廢今其後某復請余書光復厥祖意其子姓之多必有能世其後者培陰德於冥冥之中而其後之隆未艾也千古之下必有如子瞻者生手其間以記之姑書此以俟

東園集卷之一

部三

續

積慶堂記

慶錫自天疑不可必得而欲積之是求得之多也得不可必而可多乎辭之者曰無以致之固不可必有以致之則可積而多矣致以富富不足以動天致以力力不可以勝天致以巧詐巧詐尤不可以格天宜乎不可得也惟降衷之理原于天率而由之則靜與天合動與天游有可必致者我之天不違於終身慶亦可全於終身積之而有以及於子孫則亦可延於子孫矣書云降祥易云餘慶此之謂也鴻臚寺卿湯公思敬舊宅南薰坊甚宏偉

公廩近市囂非詔子孫靜學之所改卜于都城東地尤高廣廳堂門廡百餘間規制尤宏麗材美工良不假資助非潤屋潤身者不能少保南郡楊公為名其堂曰積慶蓋大之也或謂本易文言義避公之名時著其效或曰著先德余恐避名而遷義則非也有以承於前必思有以繼於後先所積者我則承之我所積者子孫則承之二公之意如此夫慶猶雨露然雨露無私澤坎者自積埳者自傾坎如蹄涔積則蹄涔之坎如池沼積則池沼之坎如滄溟積則滄溟之慶之小大遠近由乎德有小

東岡集卷之一 記五

大而遠近之耳揚自關西四世三公之積其來甚久公先世家太原其居大興也終二世垂際聖明官至于今五十年五轉皆鴻臚其承先積之厚可知矣公又篤於忠孝名著家國教子尤嚴詩曰子子孫孫勿替引之則方來之慶宜益無窮余辱公知久俾記其堂故不辭公名善敢書之以足名堂意云

仁濟堂記

古舒有孔李忱者自謂宣聖五十八代孫由先避兵江淮間因家焉李忱業儒而學鑒膺薦至京

師以仁濟額其堂屬余記之以圖不泯余惟聖人之澤在天下地無遠近時無古今人無賢愚未有不尊之者而謂有待於記為不泯者不也以今不魯而淮不儒而鑒而欲齊其不泯故耳然則將有以繼之乎不也力之於為獲明之於離婁聰之於師曠巧之於公輸不聞其後有繼之者况於集大成之聖功德與天地相終始乃欲有以繼其後難矣哉彼善為箕者不失為良弓之子善為裘者不失為良冶之子以其志之相似而業之相似也鑒之業去儒之業遠鑒之心去儒之心不遠故君子

東岡集卷之一 記六

遠則為相不遠則為鑒也君子視人之飢猶己飢之視人之寒猶己寒之見孺子將入井憫其無罪而怵惕惻隱以全之不孺不井而亦有可憫者人之疾也起其疾者鑒也有以生之有以死之鑒不可以不精而不可以不慎苟汲汲于利彼貧不可以致者終無由致之則獲所濟者寡而達仁遠矣李忱能恒其德而不計其利雖遷其業而不易其心視人之疾亦猶己疾之而思所以全之者亦猶援孺子之將井則仁之所施者博而濟之所及者廣將見魯其淮儒其鑒庶幾乎箕之於弓裘之於治

而不失為聖人之裔也乃書以歸之

燕岡義倉記

吉水距邑南而東三十里許為燕山大姓胡氏居其地因著其族曰燕山胡氏岡則據其地之高者言倉乃居燕山者胡有初所建也余嘉其有濟人之義為書扁曰燕岡義倉胡自居燕山凡幾世詩書衣冠不匱余來吉水之四年乃宣德癸丑歲不登四方之民多缺食奉勅撫江右侍郎趙公憂形于色下令郡縣為備余以官無儲積乃禮羅殿富而告貸至者莫不有難色獨胡有初欣然助千

又同集卷之二

記七

石於是五鄉右家聞之莫不興起未幾侍郎趙公躬臨賑恤有初之子登自邑庠歸白父復以五百石助焉所活不可勝計是倉在所居右五十步許積所食餘散濟窮乏戒其子弟凶年免償豐年免息且曰天生我而無異於人者義也天生人而無異於我者命也財穀不常有於人豈得常有於我苟以均得於天者為輕不常有於我者為重失本然之權甚矣以有初之言與行若此而以義目之非過也宜也彼簞食豆羹見於色固不可使聞有初之風有一命之寄而不施利於人若余輩

之碌碌亦寧無愧乎昔孟嘗君府藏盈積馮媛為市義而焚券有初之倉廩未必如孟嘗而敦行其義若此視孟嘗之賢為何如哉柳子謫居瀟水上自以觸罪為愚更得泝溪為愚溪若丘若泉若溝若池若堂若亭與島咸以愚名而辱之余因義倉而為有初更其所居之山曰義山林曰義林泉曰義泉田曰義田路曰義路橋曰義橋至於義門義堂義族義村皆以義名而旌之未為不可是為記

湖心草堂記

合肥邑治東南五十里有巢湖周浸數萬頃與江

東同集卷之二

記八

淮通有山磅礴而出其中曰姥山下有平原可耕可漁可樵可牧山之陽有古宣聖廟庭蓋龍氏先代所躬也龍氏世居其間以文學武功致身顯榮者後先相望意者亦湖山之勝有以致之也工科給事中龍君有本幼學庠序時構堂一區臨水上每歸奉親餘兀坐其間置圖書左右以弘德業名之曰湖心草堂既仕授族姓子姪為延師講學之所夫學須靜也學靜則無蔽於外而其中不遷不靜而異有成者鮮矣故古之人有盛德大業者多處乎幽閒寂寥之瀕若耕莘釣渭築傅岩卧南陽

之流是已草堂在湖山間茂林延蔭澄波漾綠無輪蹄喧囂之雜其亦幽閒寂寥之隣而草堂之靜可以成其學矣且湖山之理又有與道為體者存孔子會此理而有為山川流之喻孟子會此理而有登山觀瀾之說其凡曰師曰弟子講學於草堂間樂其靜而忘其外所有於古聖賢之言隨所精察積之而欲其高充之而欲其盈進之而欲其漸教之者不俟學之者不厭必將大有所得焉使由草堂而出者皆大有所得為臣則忠子則孝夫婦長幼朋友之施皆可法於人人其窮也知其所守

東岡集卷之一

記九

積

而不失義其達也知其所行而不離道則雖阿衡
霖雨非熊卧龍之盛德大業不他求而可幾企矣
若將覽湖山於風月之下為文字具者茲不與焉
又或思有以華之將貯聲色羅甘旨為耳目娛者
抑亦為草堂之羞

百鱗圖記

畫雜魚一帙凡四十一葉葉分為二方者三十四通為一方者六為一方而虛其半者一其為魚之小大自鯪而鯖鯢而鮓鱗鯨洋洋如潛如躍有形影可數者二百一十有八若鯉若魴若鰕若鱖若

[illegible]

東同集卷之二

卷十

躍泉以感其孝入舟以符王天下化龍作霖以蘇
大旱則其性亦靈矣乎渭川之釣於前嚴陵之釣
於後聞其釣魚而不聞其德魚羊續之懸於庭周
文之育於沼聞其德魚而不聞其愛魚也烏有仁
人君子之愛養其民不如愛魚之欲其盛哉今費
錢之來古郡惟以愛民爲心飲食起居泊如也甯
有饋生魚者使人畜之泮池間而不忍食而乃輯
此非愛其魚也非愛其畫之工也易曰信及豚魚
中庸曰魚躍于淵吾知其以有鱗之圖而觀九色
之民思過半矣

懷德堂記

懷德何以名堂存其固有之善也固有之善不定於人定於理堯堯之於子舜之於弟禹之於父雖皆未定而世之善事父者皆為孝善事君者皆為忠善事兄者皆為弟則理無不定此固有之善之為德不可不思所以存之也都察院范君以理蘇之吳縣人宋文正公十一世孫父菊軒有父德母劉氏有母德君年逾齠失恃弱冠失怙其有得於家庭之訓已多既而以才德起為今官祿可養矣二親不待每念及輒愴然泣下既自名其堂復請

東園集卷一

記上

懷

余為之記夫德見於經傳最多有謂峻德大德至德者有謂三德六德九德者有謂天德一德文德達德者又有謂明德慎德惇德崇德進德脩德尚德正德舊德者何莫非德之善其不善者謂之慝德悖德凶德此君子所當思念也君名堂之意雖在二親然其德亦豈有外於此必將於此擇其有於親者懷之也親所有德不可盡知觀文正公之先德於前君之子德於後有可知者當宋盛時語道德必曰程朱語事功必曰韓范胡文定與子書欲其立志以明道希文自期待朱子取之與周子

志伊學顏之說並載小學可見孔顏之後有明道伊周之後有希文希文有志於天下明道有志於聖人此文定之責諸子者可謂大矣在文定尚爾况為其後者乎君懷二親之德實懷文正公之德文正公為參知政事時每以貧時養親不給為累恨今已復見於君則夫居廟堂憂其民處江湖憂其君先天下而憂後天下而樂者亦君之志也噫韓范二公同時無相上下韓公五世後不能無併胄文正公十一世尚有懷德者未艾抑何盛哉子子孫孫勿替引之可也

東園集卷一

記上

寸草堂記

武岡劉蒙養正中鄉舉之秋父僉憲公以壽考終于家又明年母夫人亦棄世蒙哀痛極至幾不生者再今祿已得而養不逮矣一日讀孟東野詩至難將寸草心報得三春暉愴然泣下不已因書寸草二字隨所處而目之蓋欲圖報而知其為難不敢忽以舊從余游請為之記昔王裒讀詩至哀哀父母生我劬勞必三復流涕門人為廢蓼莪之篇蒙有感於東野之詩方切而余欲有言無乃益其悲乎然哀父為安東司馬東關之對是昭慈而害